




Ikamva-Ukunonophela
abantwana bethu

IsiFundo ngezonqulo iKlasi 2

Isihloko sesifundo: Uvuko lukaYesu Krestu

Isikhokelo soMzali

Isikolo seCawa saseKhaya



Mzali Othandekayo

Wamkelekile kwisifundo ngezoNqulo 2 esithi “**Uvuko lukaYesu Krestu**”

Olu xwebhu luya kunika isikhokelo esingekuphi ngendlela oza kusenza ngaso isifundo.

Uzilungiselela usibeke njani na isifundo

Ngezantsi kukho amanye amacebiso endlela onokusilungiselela usenze ngawo isifundo:

Inyathelo	Omakukwenze
1.	Fikelela kwikhasi lebandla eliTsha lobuPostile ngokufaka okanye ucofe kwikhonkco elilandelayo elisuka kwi-WhatsApp: https://bit.ly/3NACSSHS
2.	Qokelela ezi zixhobo zilandelayo ukuze uqiniseke ukuba usilungele isifundo: • iBhayibhile • Isifundo esikwimo yePDF esele ilungisiwe • Incwadi yomsebenzi womntwana kunye neepensile, iikhrayoni, njl. • Isiqwana sevideo sisixhobo esongeziweyo / sisixhobo esongezelweyo sokuzikhethela Qaphela: 2.1: Elona xesha lifanelekileyo ekufundiseni isifundo kusemva kwenkonzo yakusasa ngeCawa ukugcina inkqubo eqhelekileyo yesiKolo seCawa. 2.2: Nceda usenze sigqale kumxholo (sibe sifutshane) kangangoko, ucingele ixesha labo lokukwazi kwabo ukuphulaphula (ukugxila kwisifundo) sabantwana bethu-umazi kakuhle umntwana wakho! ISikolo seCawa ngokwesiqhelo asidluli kwimizuzu engama-45. 2.3: Isifundo seseklasu ngaye (Umzekel. SS, RI okanye Isiqinisekiso). 2.4: Nceda unxibelelane notitshala wesiqinisekiso ukuba ufuna naluphina uncdo okanye ufuna nasiphina isixhobo kwezi zingasentla.
3.	Thandaza (jonga umthandazo osekupheleni kolu xwebhu) kwaye ucele uThixo ukuba akusebenzise njengesixhobo sokuzisa isifundo ngendlela ayakuthanda ukuba sisenze ngayo.



Ukwenza iSifundo seSikolo seCawa ekhaya

Uzilungiselela usibeke njani na isifundo

Siyaqhubekeka ukwabelana ngamacebi athile ngendlela esinokuthi silungiselele ukwenza isifundo:

Inyathelo	Omakukwenze
4	Dala indawo yokufunda emnandi, engenasiphazamiso apho wena nabantwana nikwinqanaba elifanayo. Umzekelo: Hlalani phantsi okanye ningqonge itafile.
5	Funda isifundo. Phinda ufunde isifundo ukuze usiqonde. Bukela isiqwana sevideo sesifundo ukufumana ulwazi olungcono lwesifundo.
6	Zenzele amaqaku kwiingongoma ezibalulekileyo ongathanda ukuzikhumbula.
7	Yiqonde injongo yesifundo ekufuneka sikhunjulwe ngumntwana wakho.
8	Fundisa isifundo kumntwana wakho.
9	Mbonise umntwana wakho ivideo kwaye uphinde ugxininise kwintsingiselo.
10	Jolisa umntwana wakho kumsebenzi okwincwadi yomntwana
11	Thandaza, okanye ucele umntwana wakho athandaze ukuvala isifundo.

Izixhobo ezifumanekayo ngokweSikolo saseKhaya

Nazi izixhobo zokuphucula umgangatho wesifundo:

1. Incoko ka-WhatsApp ngesifundo kunye nolunye usapho olunomntwana okwisifundo ngezoNqulo 2.
2. Xoxa ngesifundo nabanye abazali ukuze ufumane ingcaciso ngokubhekisele kwisifundo ngaphambi kokuba usifundise.
3. Zive ukhululekile ukwenza olwakho uphando ukumana iinkcukacha (ezongelelekileyo).
4. Umphathi webandla wesikolo seCawa noTitshala bayafumaneka ukunceda.



Isifundo

Isihloko seSifundo	Uvuko lukaYesu Krestu
Isicatshulwa seBhayibhile	Mateyu 28: 1-8 noLuka 24: 13-49
Injongo yesifundo	Abantwana bafunda ukuba ngovuko lwaKhe, u Yesu Krestu wasinika esona sithuba sifunekayo ukuze siguquke.

Isishwankathelo sesifundo:

- Ngobusuku bokubethelelwa emnqamlezweni, uYosefu, indoda esisityebi yaseArimathiya, eyayingumfundi kaYesu nayo, yaya kuPilato, yawucela umzimba kaYesu.
- Waqinisekisa ukuba uYesu uyangcwatywa ngokwesiko labo bakwizikhundla eziphezulu.
- Emva komngcwabo, ingcwaba lavalwa ngelitye elikhulu laza lagadwa, njengoko ababingeleli abakhulu nabaFarisi babesoyika ukuba abafundi bakaYesu bazokuza bawube umzimba baze babange ukuba uYesu uvukile. (Mateyu 27: 57-66)
- Ngosuku lwesithathu emva kokubethelelwa emnqamlezweni, uMariya waseMagadala nomnye uMariya baya kungcwaba. Ngequbuliso kwabakho inyikima enkulu.
- Ingelosi yeNkosi yehla ivela ezulwini, yaliqengqa ilitye lasuka emnyango, yahlala phezu kwalo.
- Inkangeleko yayo yayinjengombane, nesambatho sayo sasimhlophe njengekhephu. Boyika ke oonogada abo bangancangazela, baba njengabafileyo.
- Kubafazi ingelosi yathi, “Musani ukoyika, uYesu akakho apha, kuba uvukile, njengoko watshoyo. Jonga ingcwaba alingenanto kwaye hambani niye kubaxelela abafundi ukuba uvukile kwabafileyo.”
- Endleleni uYesu wadinbana nabo wathi, "Vuyani!" Beza ke bambamba ngeenyawo, baqubuda kuye.
- Waza wathi uYesu kubo, “Musani ukoyika; Hambani niye kubaxelela abazalwana bam ukuba baye eGalili, apho baya kundibona khona.”
- UYesu wayengenasono kwaye kwafuneka afe ngokwentando kaYise. Ngamandla kaThixo, wakwazi ukuphaka waza wavuka ekufeni.
- Ngokuvuka kukaYesu, uThixo wadala into entsha, umzimba omtsha ongenabuyela kubomi bawo bangaphambili.
- Emzimbeni waKhe ovusiweyo, uYesu wakwazi ukuzenza abonakale kwabanye, kwaye ngephanyazo waba kwindawo eyahlukileyo. Wayekwazi ukuthetha nokutya.



- ULuka 24: 13-49 wazisa ngento eyenzekileyo kwabanye abadibana naLowo waVukayo.
- Abafundi bakaYesu ababini ababesiya e-Emawusi badibana noYesu.
- Babesazi ngokubethelelwa kukaYesu emnqamlezweni kwaye beva ukuba uvukile, kodwa babengakholwa.
- Logama iNkosi uYesu ihamba nabo, abazange bayazi.
- Kuphela kuxa uYesu waqhekeza isonka, wabanika, amehlo abo avuleka, bamqonda uYesu. Kwangelo xesha uYesu wanyamalala emehlweni abo.
- Abafundi ababini baya kubaPostile babaxelela okwenzekileyo kubo. Bakubon 'ukuba bayathetha, kwathi gqi uYesu phakathi kwabo, wathi kubo, "Uxolo malube nani." Babesoyika kuba uYesu wangena ngomnyango ovaliweyo.
- Babecinga ukuba ungushologu. Wababonisa izandla neenyawo, wabacela ukuba bamchukumise esithi, "umoya awunawo inyama namathambo njengam".
- Babemangalisiwe, kwaye bengakholwa.
- Kuphela kusemva kokuba uYesu etye intlanzi, abamnika yona, apho bakholelwayo ukuba wayengenguye umoya, kodwa nguYesu Krestu, Lowo waVukayo.

Sisifundisa ntoni esi sifundo?

- UYesu Kristu wenza umbingelelo wokufela izono zethu kwaye wavuswa kwabafileyo.
- Siyakholelwa kuvuko lukaYesu Krestu kwaye siyakuvuma oku kwiNqaku lesiBini loKholo lwesiVumo soKholo lwethu.
- Uvuko lukaYesu Krestu yinto efunekayo kuqala eluvukweni lwabafileyo.
- Xa uKrwestu ebuya, abafileyo kuKrestu baya kuba ngabokuqala ukuvuka (uvuko lokuqala).
- Abakhe, abathi ngexesha lokubuya kukaKrestu besaphila emhlabeni, bayakuguqulwa bafumane umzimba wovuko ngale ndlela.
- Xa uKrestu ebuya, sifuna ukuguqulwa okanye sivuswe.
- Ukuze samkelwe ekubuyeni kukaKristu kufuneka silahle ukuzenza amalungisa, isimo sokwazi konke, uchuku nomona ebomini bethu kwaye samkele ilizwi likaThixo nobabalo.

Sifuna ukuhlala ngokwentando kaThixo kwaye sihlale sithembekile kude kube sesiphelweni. Khumbula, lungiselela ukubuya kukaKristu kwaye ube yinxalenye yovuko lokuqala.

Yenza uMsebenzi 1 no 2 nomntwana wakho.



Eminye imibuzo esinokuyibuza:

1. Yintoni eyimfuneko kuqala eluvukweni lwabafileyo?

Impendulo: Luvuko lukaYesu Krestu

2. Leliphi inqaku lokholo lwesiVumo soKholo sobuPostile obuTsha esivuma ngaso ukuvuka kukaYesu Krestu?

Impendulo: Linqaku lesibini lokholo

3. Yintoni esimele ukuyenza ukuze samkelwe ekubuyeni kukaKristu?

Impendulo: Kufuneka silahle ukuzenza amalungisa bethu, isimo sokwazi konke sengqondo, uchuku nomona ebomini bethu kwaye samkele ilizwi likaThixo nobabalo. Phila ngokwentando kaThixo.

Umthandazo kaTata noMama wokuthandaza ngaphambi kwesifundo:

Thixo othandekayo, enkosi ngale mini

Sikelela bonke abazali kunye nabantwana

Kunga singeva ubukho bakho

Sikelela isifundo esiya kuba naso

Nceda usifundise sikukhonze njani

Kwaye sincede senze intando yakho

Ukuze sisondele kufuphi kuwe

Thumela uYesu ukuze asiphuthume

Kwaye kwanga singakulungela ukuhlangana naYe

Amen

Umthandazo emva kwesifundo

Thixo othandekayo wasezulwini

Enkosi ngokusigcina sikhuselekile

Ndincede ukuze ndibe nobubele kumntu wonke

Enkosi ngokuba nguMalusi oLungileyo osithandayo nosikhokelayo

Amen